



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.35. Zachariæ Papæ Epistolæ.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.
A. C. 742.

§. XXXV.

Zachariæ Papæ Epistolæ.

Zacharias Papa data ad S. Bonifacium
Ep. 1. to. 6. Responsorialia novos Episcopatus ere-
Conc. 1498. ctos fuisse probat, monet tamen oportere
 meminisse Canonum prohibentium,
 ne in locis exiguis Episcopi constituantur. Et ex hac forte causa Episcopatus
 Buraburgensis & Erfordiensis extincti
 sunt. Jubet, ut, quod Carolomannus
 cupit, Synodus celebretur, *non enim alia*
c. 2. *via melius*, inquit, *quid sit Sacerdotium,*
& quid fiat ab eis, qui se Sacerdotes nomi-
nant, cognoscitur. Deinde ad Quæstio-
 nes Bonifacii respondens, præcipit, ne
c. 3. ullatenus Sacerdotio fungi sinantur Epis-
 copi Presbyteri aut Diaconi, qui adulte-
 rio vel fornicatione involuti fuerint, qui
 plures uxores habuerint, qui sanguinem
 Christianorum aut paganorum fuderint,
 aut quocunque alio modo contra Cano-
 nes peccaverint.

Ceterum Gregorius III. Papa licen-
 tiam Bonifacio dederat, quemdam Pres-
 byterum sibi in Successorem nominandi.
 Accidit deinde, ut hujus Presbyteri fra-
 ter patrum Ducis Francorum occideret,
 unde secundum nationum barbararum le-
 gem plurimæ cædes oriebantur, quia om-
 nibus occisi propinquis interfectorem ad
 necem persequendi potestas fiebat. Cum
 igitur Bonifacius hac super re Zachariam
 Papam

Papam consulisset, respondit: *nulla ratione fieri patimur, ut te vivente in tuo loco eligatur Episcopus, quia id contra omnem Ecclesiasticam Regulam esse monstratur. Sed ora Deum, ut tibi dignum Successorem substituat, & illa hora, qua te ex hac vita migraturum sciveris, Episcopum designa presentibus cunctis, qui deinde huc veniat ordinandus. Idque tibi in hoc negotio, quod alias nemini, concedimus.*

Sæcul. VIII.
A. C. 742.

Quidam vir laicus, cujus magna erat Auctoritas, venit ad S. Bonifacium & dixit, licentiam sibi a Gregorio Papa datam ducendi avunculi sui viduam, aliunde etiam tertio gradu sibi cognatam, quæ præterea, antequam nuberet, castitatem voverat, & velum monasticum gestaverat. S. Bonifacius dicebat: *in patria mea ejusmodi nuptiæ incestus nefarius haberentur ab omnibus; at hi populi rudes & barbari Allemanni, Bavari, Franci, si aliquid, quod nos prohibemus, Romæ tolerari vident, contendunt, id sibi licere, & scandalum a nobis accipiunt.* Ex his verbis dispicimus, quam necessarium fuerit, ut S. Bonifacius his Barbaris nomen & Auctoritatem Papæ objiceret. Zacharias ad hunc Articulum respondet in hunc modum: *absit, ut credamus, Antecessorem nostrum hanc licentiam dedisse.* Nullum Decretum a Sacra Sede

6.5.

Hi. Eccles. Tom. X.

I

pro-

Sæcul. VIII.
A. C. 742.

*proficiscitur, quod Sanctis Canonibus ad-
versetur.*

c. 6.

*Quod vero spectat ad superstitiones
primi diei Januarii, scilicet, auguria,
phylacteria, incantationes, & alias ejus-
modi paganorum consuetudines, quas dicit
Romæ prope Ecclesiam S. Petri tolerari,
scito, nos eas ex sententia omnium Cbri-
stianorum rebus detestabilibus accensere.
Et quia per instigationem diaboli iterum
pullulabant, a die, qua jussit nos Dominus
Apostoli vicem gerere, ea illico amputavi-
mus, ducti exemplo Gregorii Papæ Ante-
cessoris nostri, edita Constitutione, cujus
exemplar tibi mittimus.*

Zachariæ Pa-
pæ Epistolæ.

*Dantur, dicebat S. Bonifacius, Epi-
scopi & Presbyteri ex gente Francorum
adulteri & fornicatores, quod proles post
ordinationem ipsorum edita manifestat.
Hi Romæ fuerunt & audent affirmare, li-
centiam sibi a Papa datam officiis suis fun-
gendi. Nos econtra iis denunciavimus,
rem esse inauditam, quod aliquando Sacra
Sedes quidquam contra Canones decrevisset.*

c. 7.

*Zacharias Papa respondet: Nulla ra-
tione credat tua Sancta Fraternitas, his
licentiam, quam dicunt, esse concessam,
sed Canonicam in eis exerce vindictam.
Non enim aliud te agere volumus, præ-
terquam quæ Sacri præcipiunt Canones,
vel quæ ab ista Sede Apostolica edoctus es.
Nec*

Nec aliud nobis convenit prædicare, quam quæ a SS. Patribus accepimus. Sæcul. VIII.
A. C. 742.

Si vero novi aliquid acciderit, non pigeat te id nobis insinuare, & tibi, quæ ad emendationem novæ plebis esse possunt, mature respondebimus. Cognoscat enim tua Sancta Fraternalitas, ita Dilectionem tuam nos habere in nostris præcordiis, ut te præsentem conspicerere quotidie desideremus. De cetero confortare in Domino & labora in opere, ad quod Divina te voluit vocare Clementia. Magna quippe te spes remunerationis expectat; & nos, licet peccatores existamus, tamen Dei nostri non cessamus immensam exorare Clementiam, ut quod cepit in te, perficiat opus bonum, & Princeps Apostolorum Petrus cooperetur tibi. Hæc epistola primo die Aprilis a coronatione Constantini anno vigesimo quarto, Imperii ejus post defunctum patrem secundo, Indictione undecima data est. Unde cognoscimus fuisse annum Salutis septingentesimum quadragesimum tertium.

Eodem tempore scripsit Papa ad Episcopos tres nuper ordinatos. Una erat epistola ad omnes tres, & illam, quæ ad S. Burchardum Wirceburgensem directæ est, habemus. In ea novæ Sedes confirmantur, & prohibetur, ne quis alius præter Papæ Vicarium ibi Episcopos ordinet. Scripsit etiam Pontifex epistolam

*V. Bas. an. 742. n. 7.
Coint. an. eod. n. 2. an. 743. n. 31. 32.
Zach. ep. 11. to. 6. Conc. p. 1501.*

Sæcul. VIII. lam ad Principem Carolomannum, quæ
 A.C. 742. non amplius extat.

§. XXXVI.

Concilia in Germania.

Carolomannus ut exequeretur, quod
 promiserat, Synodum in Germania
 celebrari iussit; at locus determinatus
 non scitur. Appositus est dies vigesimus
 primus Aprilis anno septingentesimo qua-
 dragesimo secundo, & Carolomannus
 proloquitur; se ex consilio Servorum Dei
 & Aulæ suæ Procerum, Regni sui Episco-
 pos convocasse, nimirum Bonifacium Ar-
 chiepiscopum, Episcopos Burchardum,
 Regenfridum, Vittam, Willibaldum, Da-
 danum & Eddanum cum Presbyteris suis,
 ut se consilio adjuvarent, qua ratione Lex
 Dei & Disciplina Ecclesiastica sub præce-
 dentibus Principibus collapsa restitui pos-
 sent, & caveri, ne populus fidelis a Pseudo-
 presbyteris, sicut superiore tempore fa-
 ctum, decipiatur. Reginfridus seu Rainfre-
 dus erat Episcopus Coloniensis. Willibal-
 dus ille est, quem Roma missum S. Boni-
 facius in autumno anni superioris pri-
 mum Episcopum Eichstädtensem ordina-
 verat, in qua Consecratione ei adstite-
 rant S. Burchardus Herbipolensis & Vizo
 Episcopus Augustanus. Inter Episcopos
 Concilii Germaniæ Vittam erat novus
 Episcopus Buraburgensis, Dadanus Episcopus

To. 6. Conc.
 p. 1534. vit.
 Bon. per
 Othl. lib. 1.
 c. 34.

Carolom. c. I.
 tom. p. 145.

Vita Vileb.
 c. 2. to. 4.
 Act. SS.
 Ben. p. 381.